

Broj: 02/12-49-6594/19
Sarajevo, 10.04.2019. godine

Na osnovu člana 70. stav 3. Zakona o javnim nabavkama ("Službeni glasnik", br. 39/14), te člana 14. stav 2. tačka 2. Pravilnika o nabavci roba, uvršenju usluga i ustupanju radova, br. 09-05-26263/15 od 27.11.2015. godine, u postupka javne nabavke usluga - Održavanje sistema Matični registar, u Pregovaračkom postupku bez objave obavještenja o nabavci, po preporuci Komisije za javne nabavke roba i usluga, br. 02/12-49-6594/19 od 09.04.2019. godine, Općinski načelnik, donosi

O D L U K U

1. Prihvata se ponuda ponuđača «ITINERIS» d.o.o. Tuzla, sa najnižom cijenom ponude u iznosu od 2.948,40 KM sa PDV-om, u predmetu javne nabavke «Održavanje sistema Matični registar» u Pregovaračkom postupku bez objavljivanja obavještenja o nabavci.

2. Zadužuje se Služba za zajedničke poslove da obavjesti učesnika u pregovaračkom postupku o donošenju Odluke o rezultatima okončanog postupka javne nabavke i da zaključi ugovor po konačnosti iste.

3. Protiv ove Odluke dozvoljena je žalba u roku od 10 dana od dana prijema iste, a koja odlaže izvršenje.

O b r a z l o ž e n j e

Na osnovu zahtjeva za odobravanje nabavke br. 02/12-sl/19 od 13.03.2019. godine za održavanje sistema Matični registar, Služba za zajedničke poslove donijela je Odluku o pokretanju postupka javne nabavke, te je pokrenut Pregovarački postupak bez objave obavještenja o nabavci, shodno članu 21. stav 1. tačka c) Zakona o javnim nabavkama i upućeno pozivo ponuđaču «ITINERIS» d.o.o. Tuzla za učešće u pregovaračkom postupku i podnošenju inicijalne ponude.

Uvidom u Izvještaj Komisije za javne nabavke utvrđeno je sljedeće:

- da je Komisija dana 03.04.2019. godine pristupila otvaranju ponude u prisustvu ovlaštenog predstavnika ponuđača «ITINERIS» d.o.o. Tuzla, te konstatovala da je navedeni ponuđač ponudio cijenu u iznosu od 2.520,00 KM bez PDV- a, odnosno 2.948,40 KM sa PDV-om.
- da je Komisija izvršila pregled dostavljene ponude, te utvrdila da ista ispunjava kvalifikacione uslove utvrđene tenderskom dokumentacijom,
- da je Komisija sačinila Zapisnik o provođenju pregovaračkog postupka, dana 03.04.2019. godine te je postignut sporazum o svim bitnim elementima ponude: cijeni, načinu plaćanja putem jednakih mjesečnih rata, način pružanja usluga definisanih tačkom 2. tenderske dokumentacije, a koja se odnosi na nadogradnju sistema po potrebi - prilagođavanje sistema zakonskim propisima, otklanjanje nedostataka (održavanje) programskih modula u slučaju kada zakonodavac propiše izmjene koje se odnose na izvještaje, obrasce i poslovne procese koje je moguće implementirati dodavanjem ili modifikovanjem postojećih komponenti sistema, otklanjanje nedostataka i eventualnih grešaka, ali ne i grešaka u podacima i dokumentima koje korisnik obrađuje, nadogradnja programa bez dodatne naknade u slučajevima kada su proizvedene nove verzije programa, kao i besplatna isporuka prateće dokumentacije u pisanoj ili elektronskoj formi, pomoć korisnicima putem telefona, neograničen broj intervencija putem interneta, kontinuirano praćenje procesa replikacije iz općinskog registra u Jedinstveni matični registar Federacije BiH, te praćenje izmjena u tehnologiji korisnika i usklađivanje sa novim zahtjevima sistema,
- da je nakon postignutog sporazuma zatraženo dostavljanje konačne ponude ponuđača,
- da je dostavljena konačna ponuda dana 08.04.2019. godine koja je potpuna, uključujući i dokumentaciju iz člana 45. Zakona o javnim nabavkama.


Imajući u vidu navedeno, a primjenom kriterija «najniža cijena ponude», shodno članu 64. stav 1. tačka b) Zakona o javnim nabavkama, na prijedlog Komisije za javne nabavke roba i usluga, odlučeno je kao u dispozitivu.

Pouka o pravnom lijeku:

Protiv ove Odluke dozvoljena je žalba Uredu za žalbe Mostar u roku od 10 dana po prijemu iste. Žalba se izjavljuje putem ovog organa u pisanoj formi direktno, elektronskim putem ili preporučenom pošiljkom u najmanje tri primjerka.

DOSTAVITI:

1. Služba za zajedničke poslove
2. U spis



Općinski načelnik

mr. Semir Efendić